

Joachim Schnobel   Conrad Vogt

## **Disputatio Iuridica De Praeferentia Creditorum**

Rostochii: Kilius, 1646

**<http://purl.uni-rostock.de/rosdok/ppn731862856>**

Druck   Freier  Zugang



Vorrangigkeit der Gläubiger

J. Schnobel (G. Vogt) — Vert.

R. U. Nr. 1646.



DISPUTATIO JURIDICA  
DE  
PRÆFERENTIA  
CREDITORUM

*Quam*

AUXILIANTE DEO

Consensu

Magnifici, Nobilissimi & Amplissimi

Jctorum in florentissima ad Varnum

Academia Collegij

PRÆSIDE

*Amplissimo, Excellentissimo & Consultissimo*

VIRO

DN. JOACHIMO SCHNOBELIO,

J. U. D. Prof. P. Dn. Præceptore ac

Promotore suo ætatem

colendo:

*Publicè executendam proponit*

CONRAD BOSE

Lippiâ Westph.

*die 26. Septembris in Auditorio Magno*

✻ (o) ✻

ROSTOCHII,

Typis NICOLAI KILII, Academia Typographi,

ANNO M. DC. XLVI.

1646





## THESIS I.



Concursum, ordinem, ac prioritatem Creditorum, utpote frequentem ac quotidianam materiam, pressius rimaturi, potiore rerum, priorem tamen Verborum rationem haberi, operæ ducimus pretium *cum Jcio in l. 1, ff. de R. C. 1.* Creditor, pro instituti nostri ratione, is est cui ex quacunque causa quid debetur, etiam qui propter jus in re constitutum actione reali experiri potest. 2. Concursum est plurimum creditorum ad debitum ex iisdem bonis consequendum simul et petitorio. 3. Ordo est in suum cuiusque locum, secundum jus æquitatem facta collocatio. 4. Prioritas est jus creditorum in bonis debitoris alicujus concurrentium, quo ex propria vel legis provisione alter alterum in consequendo debito prævertit. Dicitur alia prærogativa, prælatio, privilegium & protopraxis.

### II.

Distinguuntur Creditores 1. in eos quibus pure, sub conditione & in diem debetur *d. l. 10 ff. de V. S.* Hi posteriores etsi ante diem venientem vel conditionem existentem exigere nequeant *d. l. 10 l. 8. l. 14. ff. d. 2.* in termino tamen aliis Creditoribus præstituto comparent ad deducenda jura sua *arg. l. 11. ff. Ex quib. caus. in poss.* Id si negligent, postea vix admittuntur, *Wesemb. int. C. ut act. ab her. & contr. n. 10.* Vid. etiam *l. 11. §. 1. l. 12. §. 2. ff. qui pot. in pigu.* 2. Creditores proprie ita dicti (quibus n. jure dominij vel quasi, itemque separationis, prærogativa competit de his jam non agitur) quoad præsentem materiam nobis sunt. 1. Privilegarij simplices. 2. hypothecarij privilegio muniti. 3. hypothecarij simplices. 4. privilegarij personales. 5. Chirographarij simplices.

### III.

Privilegarij simplices sunt, qui cum hypothecam habere non inveniuntur, creditoribus tamen hypothecarijs & alijs privilegiatis omnibus indistinctè omnes præferuntur ex singulari causæ favore. Huc pertinent 1. Qui crediderunt Impensas funebres legitimas, sine quibus funus honestè duci nequit, justam rationem ex dignitate ejus qui

funeratus est, & alijs circumstantijs b. fide æstimandam non exceden-  
tes, & quicunq; ab ijs ad quos funus pertinet, funeraria actione quid-  
quam petere possunt. *l. 14. §. 1. 3. 4. & 6. l. 21. l. 31. §. 1. l. 37. l. pen. ff. de  
relig. & sumpt. fun. l. 17. ff. de reb. auct. iud. possid. alias l. 2. de privileg.  
cred.* Sumptibus funeris æquiparantur erogata in infirmitatem defuncti,  
ut medicorum ac chirurgorum salaria, pharmacopæi debita, item ex-  
pensæ ab hospite factæ *arg. l. 4. C. de her. petit. Schneid. Inst. de her.  
qual. §. 3 n. 27. Wesomb in π ff. de relig. n. fun.* Ea n. in actionem fune-  
rariam veniunt: quæ cum cesset, ubi quis reconvâluit, ad expensas in  
morbum restituti factas idem non poterit extendi. *Mey. ad jus Lubec. l.  
3. t. 1. art. 11. n. 99.*

#### IV.

Pertinent huc 2. Qui in confectionem inventarij, insinuationem  
testamenti, æstimationem, bonorum debitoris foro cedentis aliasve si-  
miles causas, hereditatis & creditorum gratia sumptus erogarunt, nec  
non Curatores bonorum, de quib. *2. t. ff. de curat. bon. dand.* ratione sa-  
larij à magistratu vel à creditoribus promissi: qui enim necessariò sit  
sumptus, semper præcedit, eoq; deducto bonorum calculus subduci so-  
let *l. 8. ff. de pos. si quas* tamen heres contra defunctum habet actio-  
nes, hæ non confunduntur, sed similem cum alijs ejusdem generis cre-  
ditoribus habent fortunam *l. fin. § 9 C. de jur. de lib* Utraq; & funebrium  
& aliarum necessariorum impensarum æquali privilegio munitarum  
causa inter se concurrente, neutra alteram antevertit, sed solutio pro  
rata seu ratione proportionis Geometricæ facienda est, *per l. 5. §. 17 ff.  
de trib. act.* privilegiatus n. adversus privilegiatum privilegio non uti-  
tur *per vulg.*

#### V.

Hypothecarij privilegio muniti sunt, qui vel tacitam vel expressam  
hypothecam habentes jure ante alios exigendi gaudent, quos etiam an-  
teriores expressam simplicem hypothecam habentibus præferri du-  
bium non est, *Nov. 97. c. 3. & 4. l. 7. l. 12. C. qui pot. l. 5. ff. eod.* inter se  
verò concurrentes ita satis commode videntur collocari, ut 1. locus sit  
Fisco in causa primipilari seu in administratione annonæ militaris *l. 3.  
C. de primip. lib. 12:* quæ universis viri bonis exhaustis etiam dotem mu-  
lieris primipili sarcinæ obnoxiam facit *l. 4. C. in quib. caus. idem* in  
causa tributorum ac collectarum & aliarum id genus pensionum publi-  
carum

carum, passim consuetudine Germaniæ invaluisse testatur Röppen *de-  
cis. 28. n. 23* II. In militiam emendam (militia est officium eorum qui  
in aliqua schola sive collegio inter statutos relati sunt, ex quo salaria &  
commoda ex publico consequuntur *Gothofr. ad l. 52. §. 2. lit. d. ff. de act.  
empt.* quædam vendi & ad hæredes transmitti potest, quædam non, *l.  
ult. C. de pignor. l. 5. C. qui milit. poss. lib. 12. Nov. 53. c. 5. ibiq. Gothofr.*)  
credenti ac specialiter jus pignoris & privilegij in militia aliquando ven-  
denda vel casu militia, sibi stipulanti, *Nov. 97. c. 4.* Id quod ad eos qui  
emendi officij causa mutuam dant recte accommodari putat *Gothofr. ad  
d. Nov. lit. d. Vid. Beuth. de privileg. credit. p. 1. t. 56. §. 57.*

VI.

Hæc duobus casibus speciali jure priorem stationem obtinentibus  
cæteri privilegiati hypothecarij concurrentes, detractis privilegijs ex  
communi hypothecariorum regula, prior tempore potior jure *l. 2. l. 4.  
l. 12. §. 1. C. qui pot. in pign. ad prælationem vocandi censentur, cum  
privilegiatus adversus privilegiatum alium ceu th. 4. dictum privilegio  
non utatur, fac. l. 11 §. pen. ff. de min. Vid. Nov. 97. c. 3. Röppen d. decis.  
28. n. 29* temporis prioritate non apparente, melior est conditio possi-  
dentis. *l. si debitos. 10 ff. de pignor. l. 14 ff. de noxal. act. nullo possiden-  
te pro rata debiti, solutio omnibus fiet l. 96. §. 3. ff. de solut. Neguzan-  
tius de pign. p. 5. memb. 2. n. 51. d. 1b. 4.*

VII.

Sunt autem præterea hujusmodi creditores hypothecarij privile-  
giati, & mulier in persecutione dotis numeratæ ejusdemq; augmento,  
*l. 12. C. qui pot. Nov. 17. c. 2. §. 3. Nov. 109. c. 1. Myns. 4. O. 13.* Secus in  
confessata, creditoribus non numeratæ dotis exceptionem etiam post  
biennij lapsum opponentibus *Sneid. ad §. 29. Inst. de act. n. 66. Vid.  
Myns. 1. O. 61. Gail. 2. O. 81. §. Mev. ad jus Lubec. 3. t. 1. ars. 9.* Hoc au-  
tem protopraxias jus nulli heredum, præter liberos. *d. l. 12. §. 2.* nec ces-  
sionario competit. *per. d. §. 19. Inst. Nov. 91. pr. nisi mulieris nomine in  
ejusq; utilitatem, Mev. d. l. 13.* Sed Privilegium in dote hoc ob commune  
negociationis aut cauponariæ exercitium cessare testis est *Gail. 2. 4. O. 4.  
n. 5. Beuth. de privil. cred. parte 1. C. 35. in med. Plures casus exceptos  
Vid. apud Mev. d. l. n. 53. §. 199.*

VIII.

II. Qui in refectionem aut restitutionem collapsarum ædium no-

A 3

minatim



minatim crediderunt, actuali etiam conservatione subsecuta l. 1. ff. in quib. caus. pig. junct. l. 6. ff. qui pot. Myns. 1. O. 60. Gail. 2. O. 12. Idq; optima ratione ad inquilinos & alios extenditur, qui pro avertenda ædium devastatione, hodiernas contributiones aliorum nomine militibus solvunt. Identitas enim rationis idem jus inducit l. illud. 32. ff. ad L. Aquil. Usufructuarius autem pecuniam simili de causa solutam à proprietario non repetit per l. 27. §. 3. ff. de usufr. l. 28. ff. de usufr. leg.

IX.

III. Qui in aliam rem conservandam aut emendam cum expressa hypothecæ reservatione mutuò dederunt. Nov. 97. c. 3. l. 17. C. qui pot. Hi enim præferuntur in re illa quoad extat l. 8. pr. ff. quib. mod. pign. Vel hypoth. solv. & in quantum non luculentius creditum, quam rei conservatio & impensæ justæ exigunt: nam pro parte superflua beneficium prælationis cessat Gotofr. ad d. l. 5. lit. u. Gail. d. O. 12. Bach. ad Tr. d. th. ult. lit. E.

X.

IV. Nec Venditori in contractu vel ante traditionem in re vendita sibi pignus expressè servanti idem juris denegatur: hic enim ei cui emptor omnia bona obligaverat præfertur, cum ab initio obligatio pignori inhæserit, simulq; cum dominio ipso quaesita sit, & sub conditione pignoris res tradita intelligatur, qua in conventionem Creditorem fraudari iniquum foret. l. 1. §. fin. l. seq. ff. de reb. eor. qui sub. tut. Geil. 2. O. 16. n. 7. Koppen. decis. 28. n. 7. & ob hanc rationem cum pupillus in re pecunia sua empti taciti pignoris jure gaudeat l. pen. C. de serv. pign. dat. man. l. 5. pr. ff. de reb. eor. qui sub. tut. jus prælationis etiam habebit. l. 7. ff. qui pot. sac. l. 7. C. d. t. Sic & redemptori servi ab hostibus capti, uti jus taciti pignoris in eo concessum l. 15. l. 21. ff. de capt. & post. revers. l. 2. C. eodem ita etiam præfertur aliis quibus ante captivitatem pignoris titulo nexus l. 12. §. 12. d. t. Wesemb. in parat. t. qui pot. n. 5. Et domino soli ratione solarii hypothea cum jure prælationis competit, l. 15. ff. qui pot.

XI.

Hypothecarii simplices sunt, quibus supra debitum res etiam suppositæ sunt, & hinc realem ad rem consequendam actionem habent sine exigendi prærogativa l. 17. ff. de pignor. l. 9. C. qui pot. Horum hypotheca 1. Generalis est vel specialis l. 15. §. 1. ff. de pignor. l. ult. C. qua res pign.

pign. illa in universis bonis constituta res omnes præsentis & futuras etiam non expressas *d. l. ult.* item actiones & nomina comprehendit. *l. 7. C. de hered. vend. l. 4. C. quæ res pign.* non tamen ea quæ quis verisimiliter non præsumitur obligaturus *l. 6. cum seqq. ff. de pign. l. 1. C. quæ res pign.* Hæc specialis intra rem certam & expressam se continet, indeq; manifestarii pignoris appellatione insignitur *l. pen. ff. in quib. caus. pign. Gothofr. ibidem.* nec ad alia extenditur præter accessiones rei pignori data, quarum dominium ad eum pervenit, qui obligavit. *l. 29. §. 1. ff. de pignor. junctâ l. 16. pr. ff. eod.*

XII.

II. Hypotheca tacita est vel expressa: illa lege ipsa & tacita juris dispositione vel ex præsumpta conventionione & ita quadam legis adfidentia constituitur, cuiusmodi competit Fisco in bonis secum contractantium. *l. 2. C. in quib. caus. mulier, pro paraphernalibus & donatione propter nuptias in mariti substantia l. 11. C. de pact. convent. l. 12. §. 2. C. qui pot. Mys. s. O. 4. & contra marito pro dote promissa in bonis uxoris vel socii vel cuiuscunq; qui dotem promisit, l. 11. §. 1. C. de R. U. A. Neguz. de pign. part. 2. m. 4. n. 25. & n. 63.* Filiis prioris matrimonii pro bonis maternis & lucris nuptialibus in re patris post secundas nuptias, *l. 8. §. 4. C. de secund. nupt. l. 6. §. fin. C. de bon. que lib. ac vice versa iisdem pro lucris ex defuncti patris substantia ad matrem devolutis in bonis ejus ad secunda vota transeuntis l. 6. §. 2. C. de secund. nupt.* pupillis etiam minoribus & aliis quibus quasi debilibus curatores dari solent, in bonis tutorum ac curatorum *l. 20. C. de administ. tut. l. fin. ff. de tut. & rationibus distrabend. ibi Gothofr.* nec non in bonis Vitrici, ubi mater non redditis tutela gestæ rationibus secundas nuptias contraxit *l. pen. C. in quib. caus. l. 2. C. quando mul. tut. off. Nov. 22. c. 40.* Datur & hypotheca tacita locatori in rebus conductoris illatis & investis in prædium urbanum, tam pro deterioratione quam pensionibus *l. 2. l. 4. pr. l. 6. ff. in quib. caus. tac. pign. l. ult. C. eodem & in fructibus prædii rustici, l. 7. ff. d. t. Vid. Dd. ad §. fin. Inst. quib. m. re contrah. oblig. & t. ff. & C. in quib. caus. tac. pign.* Hæc expressa hypotheca est, cum vel publica magistratus autoritate (hinc pignus judiciale aliud, aliud prætorium, de quo Vid. Bach. ad. Tr. 2. D. l. 3. lit. C. D. & Dd. ad t. ff. de pign.) vel privatorum consensu ac conventionione quadam expressa res obligantur, unde conventionales hypothecarii dicuntur, quos

quos variis modis fieri experientia docemur. Arrestum hodie pignus etiam tribuit *Koppen. decis. 45. n. 30* quod si plures aut unus plurimum nomine & impensis impetret, par eorum est causa, qui post arrestum superveniant, si et adhæreant, post primum impetrantem, quod superest adipiscuntur, atq; inter se pro rata, si paris juri sunt, dividunt. Ordo ad hæfionis si fortè unus præ altero rei semel sequestratæ arrestum impetret, non attenditur, *docente Mevio adius Lubec. l. 3. t. 1. art. 5. n. 12.*

### XIII.

Hypothecarij simplices omnibus personalem actionem habentibus tam privilegiatis, *de quib infra Th. 17.* quam Chirographarijs simplicibus seu non privilegiatis, de quib. *ib. 22.* præferuntur, *l. 9. C. de bonis aut. jud.* Inter se autem concurrentes & de prælatione hypothecæ diversis temporib. constitutæ utrinq; contententes, ordo temporis observatur, ut prior tempore potior sit jure. *l. 2. l. 4. C. qui pot. Myns. 1. ob. 59.* prioritatem non ex tempore obligationis contractæ aut traditionis sed hypothecæ metiendo, *l. 12 §. 2. ff. qui pot. l. 8. C. eod.* In legali tacita, tempus hypothecæ & tempus contractus concurrunt *per l. 6 §. fin. C. de bon. qualib.*

### XIV.

Quoad præsens prælationis negotium nequiquam distinguitur inter hypothecam generalem & specialem. *l. 2 ff. qui pot. l. 6. C. eod. l. 2. C. de privil. fisc. l. 2. C. de pignor. Myns. 6. O. 94. n. 6. nec (2)* inter tacitam & expressam *l. 8. ff. qui pot. d. l. 2. C. de privil. fisc.* eadem enim ratio taciti quæ expressi *arg. l. 3. ff. si cert. pet.* ut etiam illi quibus legale pignus competit, si eo non contenti, expressa hypothecæ sibi caveant, pinguius prælationis jus non consequantur. *Bach. d. l. th. ult. lit. B nec (3)* prætorium pignus an judiciale *d. l. 2. C. qui pot. l. 5. §. 4. ff. ut in poss. legat. l. 10. ff. qui pot.* sive cum ejusdem sive cum diversi generis pignoribus fiat concursus per mod. alleg. Nisi quod habente quodam pignus prætorium, quando cum alio ejusdem generis pignus habente concurrat, ordo temporis non spectetur *l. 15. §. 15. ff. de damn. inf. l. 5. §. 3. ff. ut in poss. legat.* nec (4) refert utrum purè convenerit, an in diem, potior enim adhuc ille est, cui in diem hypotheca constituta reperitur, licet ante diem existentem eadem res alii pignori sit obstricta. *l. 12. §. 2. qui pot.* cum obligatio in diem concepta statim cedat quemadmodum pure contracta *l. 13. ff. de U. S.* In hypothecis autem conditionalibus, conditio casualis, mixta, & potestativa distinguendæ veniunt. Illæ retrotra-

retrotrahuntur ad diem contractus & creditor præfertur ex ijs credito-  
posteriori pure, l. 9. §. 1. l. 11. ff. qui pot. Hæc non habet retrotractum,  
ideoq; qui pignus merim pure accepit, prærogativam habet d. 19. §.  
1. Vid. c. si pro te 13 de rescr. in 6. Huic similis est illa quæ factum  
requirit & determinationem habet à qualitate quæ nondum inest, sed  
aliquando inesse aut semper abesse potest. l. 11. §. 2. ff. qui pot.

XV.

Quod si pluribuseodem tempore sed separatim singulis in soli-  
dum res est obligata, singuli etiam in solidum adversus debitorem vel  
extraneum experiuntur adversus eundem agendo concurrentes, concu-  
rsum partes faciunt, & hætenus æqualis omnium causa dicitur l. 20. §.  
1. ff. de pign. act. paresq; tempore pares jure censentur, inter ipsos  
questione exorta, possidentis melior est conditio, l. 10. ff. de pign.  
Si in partes æquas plurib. res obstricta sit, & inter seipos & adversus  
extraneos, non plus quam in partes competentes agere poterunt d. l.  
10. in fin. Sin nihil dictum in utraq; partem reperiatur, verius est non  
in solidum aut pro partibus æquis, sed pro quantitate debiti pignus ab  
ipsis vindicari, l. 16. §. 8. pr. ff. de pignori. Hæc accipienda sunt de  
ijs quibus scientibus eadem res obligatur, si enim quis rem alij obliga-  
tam, dissimulata obligatione per calliditatem alij separatim obstrinxe-  
rit, distraxerit vel permutarit, stellionatus postulari poterit, per l. 3. ff.  
stellionat.

XVI.

Legatarij etsi solo legis placito ac dispositione hypothecam ha-  
beant l. 1. C. comm. de legat. Si tamen bona defuncti solvendo non  
sint, omnibus creditoribus, & sic etiam chirographarijs postponun-  
tur, cum legata non nisi deducto ære alieno debeantur, & in ea bo-  
norum parte, quæ servari potuit de bonis, pignoris causam habere le-  
gatarij intelligantur, l. 4. §. 1. l. pen. pr. ff. de separ. l. 1. §. 18. ff. ad S. C.  
Trebell. Hic observandum est, quod hypothecarius creditor poste-  
rior, quamvis novissimus, offerre ac solvere possit priori etiam pri-  
vilegiato debitum, & sic pignus sibi suum confirmare & quoad debiti  
illius soluti quantitatem in ejus locum ac jus succedere l. pen. & ult. de  
hi qui in prior. cred. loc. l. 11. §. ult. l. 12. §. 9. l. 16. ff. qui pot. l. 1. C. eod.  
In alijs hypothecam non habentibus hoc non observatur, quamvis  
eorum pecuniâ hypothecariorum aliquis dimittatur, nisi cum debitore

B

vel

vel creditore cui solverunt, specialiter fuerunt pacti, ut & in locum e-  
jus succedant, l. 3. ff. *quæ res pign.* l. 1. C. *de his qui in prior, Cred.*

XVII.

Privilegarij personales sunt, qui privilegium exigendi etiam sine hypotheca habent, & creditoribus personali tantum jure munitis præferuntur, (*de quib. t. s. ff. de privil. cred. incipit à l. 16. ff. de reb. aut. jud. poss.*) Horum inter se concurrentium privilegia non ex tempore æstimantur sed ex causa, id est quo unumquodq; debitum magis vel minus favorabile censetur, eo magis vel minus, ille qui patit, ad exactionem præ alijs admittitur: etsi ejusdem tituli aut favoris debita fuerint simul admittuntur non autem diversitate temporis ratione l. 3. ff. *de reb. aut. jud. poss.* Leges causarum favorem ponderantes hunc ferè ordinem in concursu videntur præscripsisse.

XVIII.

I. Deponens apud argentarium pecuniam obsignatam, eandem in specie repetiturus, si non extet amplius, in omnibus fraudatoris facultatibus antevertit, l. 7. §. 2. ff. *depos. l. 24. §. 2. ff. de reb. aut. jud. poss.* Extantem seu rem sui dominij vindicat; si autem ita deponatur pecunia ut tantundem in genere reddatur, ac fere in creditum eatur l. 30. ff. *loc. l. 24. ff. de depos.* post privilegia demum deponens exigendi jus habet. d. l. 24. §. 2. ff. *de reb. aut. jud.* Si usuras à mensuario acceperit à cæteris creditoribus non separatur d. l. 24. §. 2. ad numerorum tamen fortean adhuc extantium vindicationem ante privilegia & creditores omnes admittitur d. l. 24. §. 2. Quæ distinctio etsi depositis quibusvis accommodari soleat, in alia tamen re, præter pecuniam apud argentarium, deposita, si consumpta sit eadem aut perierit, deponentem alijs creditoribus Chirographarijs potiore esse jure civili nusquam reperitur, & imputet facilitati suæ deponens, quod ejusmodi depositarium sibi elegerit, §. 3. *Inst. q. m. re. contr. oblig.*

XIX.

II. Qui in navim extruendam, instruendam vel emendam credidit l. 2. l. 26. l. 34. *de reb. aut. jud. poss.* privilegium prælationis habet, quod etiam in aliam rem, præter navem, credenti tribuimus *Koppen. decis. 28. n. 44. per Aub. quo jure. C. qui pot.* privilegio autem locus non est, si quis non in expressum ac determinatum finem credit, is enim in omnem eventum credere & debitori in quamcunq; rem impendendæ pecuniae

cuniam liberum arbitrium relinquere censetur. Nee extra rem, in quam  
 creditum est, poterit quis sibi hoc privilegium arrogare. Ut enim illud  
 non ob mutationem simplicem, sed in rem certam factam conceditur,  
 ita re in quam creditum est, perempta quamvis mutuatio duret, ipsum  
 quoque cessare necesse est. *fac. l. 5. §. 4. s. 15. 16. l. ii. ff. de trib. act. Con-*  
*fer. supra th. 7. C. 2. III.* Pertinet huc respubl. Creditrix *l. pen. §. 1. ff.*  
*de reb. aut. jud. poss.* non Romana solum sed & alia *Wesemb. in par. eod.*  
*n. 5.* Quaedam etiam speciali beneficio jus insuper pignoris naetae *ad*  
*th. 12.* referenda sunt, quarum causa ab his quae jus tantum praelationis  
 inter Chirographarios habent, separatur *l. 2. C. de jur. Reip. l. 10. ff. ad*  
*munitip.* Idem jus Ecclesiis, Xenodochiis, nosocomiis, Orphanotro-  
 phiis, Scholis aliisque causis piis tribuunt *Id.* imo iisdem lautius privi-  
 legium prioritatis scilicet ex generali consuetudine & observantia compete-  
 re notat *Koppen. d. decif. 28. n. 25.*

XX.

IV. Impubes in bonis negocia ejus ex officio amicitiae gerentis  
 praelatione gaudet *l. 23. ff. de reb. aut. jud. poss.* sicut & is, qui gratis cre-  
 didit, quando cum aliis creditoribus Chirographarius usuras accipienti-  
 bus nec privilegiatis concurrat. Cum enim hic imminentis damni inju-  
 riam tantum propulset, merito praefertur illi, qui simul de lucro cap-  
 tando certat *arg. l. 24. §. 2. ff. d. 1. ibid. Gothofr. lit. m.* Chirographa-  
 rius, cujus pecunia privilegiarius ipse dimissus est, ponendus est in eo  
 loco, in quo privilegiarius ipse ante collocandus fuisset. *d. l. 24. §. 3.*  
*ff. de reb. aut. jud. poss. l. 2. ff. de cess. honor.*

XXI.

Chirographarii simplices, qui & personales nudi dicuntur, sunt, qui-  
 bus ad consequendum debitum in personam actio contractu vel pacto  
 legitimo acquisita competit sine omni hypotheca ac privilegio, adeoque  
 solo debitoris chirographo vel simili, quo debitum rite probatur, ut te-  
 stibus, confessione judiciali, libris rationum debita forma modoque  
 scriptis & munitis nituntur. *l. un. C. etiam ob Chirog.* Hi ultimi veniunt  
 ad reliquias in bonis remanentes, ideoque raro aliquid residui ferunt  
*Wesemb. par. de privil. Cred. n. 9.* Si quid tamen superest nullo tempo-  
 ris quantitatis vel alio habito respectu conjunctim atque simul admit-  
 tuntur non in aequales portiones sed facta pro rata debiti distributione.  
*l. 6. C. de ben. aut. jud. poss. l. 10. C. qui pot. Wesemb. par. d. l. nisi eo no-*

mine fortè præ cæteris totum obtineant, quod eorum pecunia ad præ-  
vilegiarios & anteriores pervenerit, ceudictum. *ib. præced.* Aut mer-  
cator diversis in locis diversas negociationes exercens, occasione ha-  
rum negociationum diversa debita contraxerit: tum enim creditores  
separatim ad suæ quisq; negociationis lociq; bona vocantur: merci  
enim quasi videtur creditum, *l. 5. §. 15. ff. de trib. act.* Cessio etsi in alium  
prælatione gaudentem fiat, nemini præjudicium gignit: melior enim  
conditio cessionarii esse non debet, quam cedentis, *l. invitus. 156. §. ple-  
rumq; l. aliud est. 160. §. absurdum. ff. de diver. reg. jur. ant.*

## XXII.

Sanè vigilantis & occupantis causa plerumque potior esse solet,  
atq; propterea id quod chirographario solutum, miramè in diversionem  
vocandum, neq; alijs communicandum etiam si eo tempore quo debi-  
tor solvendo non erat, sciens prudensque quis acceperit à debr ore  
sponte, vel ab invito extorserit, est enim quod priores suæ expensum  
ferant negligentia. *vid. l. 6. §. 7. l. 24 ff. que in fraud. cred. l. 21 ff. de  
pecul.* Qui verò post bona possessa debitum recepit, hic in portio-  
nem vocandus exæquandusque est cæteris creditoribus, neque enim  
debit præripere cæteris post bona possessa, cum jam par conditio o-  
mnium creditorum facta esset. *l. 6 §. 7. ff. que in fraud. cred.* Idem  
obtinet si omnibus instantibus, uni per gratificationem solvatur. *l. 6. §.  
2. ff. de reb. aut. jud. poss.*

## XXIII.

Cùm autem ij, qui possunt conveniri actione privilegiatis conve-  
niuntur primo loco à chirographario vel minus privilegiatis,  
poterunt exigere cautionem restitutum iri, quod acceperunt, si infe-  
ratur postea actio majoris privilegij *per. l. 52. §. 1. ff. de peccat. quâ non  
exacta, nulloque residuo in bonis existente, privilegiarios simplices de-  
in & hypothecarios, & privilegium personale habentes ad id quod a-  
lijs solutum est, ex lege condicendum, eo quo ad debiti exactionem  
veniunt ordine de quo supra, admittendos censemus *per. l. 3 ff. quod  
cum eo qui in al. l. 38. §. fin. ff. de pecul.* Hypothecarij quoque non  
solum à posteriori hypothecario, sed etiam à quovis possessore, vel  
eo qui dolo possidere desijt rem pignori nexam avocare possunt. *l. 14.  
l. 15. C. de pign. & hypoth. l. 16. §. 3. ff. eod. junct. l. 23. §. 3. ff. de R. V. pi-  
gnore; autem bona fide consumpto, adeoque hypothecaria actione  
cessan-**

cessante *arg. d. d. l. l. ad solutum repetendum conditio ex lege com-*  
*petit, quamvis simplices sint hypothecarij privilegio exactionis desti-*  
*tuti, per l. 12. §. 5. ff. qui pot. in pign. l. fin. §. 5. & 6. C. de jur. delib.* His  
tamen *Dd.* communiter soluti repetitionem denegant ad hypothe-  
carios privilegio munitos eam restringentes. *Gail. 2. O. 25. n. 16.* Neu-  
tros autem sive hypothecam simplicem habeant, sive privilegium cum  
ea cogendos arbitramur ut reliquis creditoribus de quota debiti tran-  
sigentibus consentiant, nec eis præjudicatur quo minus pignori suo  
incumbere possint. *l. 58. §. 1. ff. mand. licet in dilationibus & cessione*  
*bonorum concedenda non valeant cæteris jure communi simpliciter*  
*se opponere, nisi quantitate debiti prævalente juxta l. fin. C.*  
*qui bon. ced. poss.* Singulare est Fisci privilegium, qui alijs  
creditoribus pecuniam solutam omnimodò auferens, extraordinario  
jure suum recipit *l. 18. §. fin. ff. de jur. Fisci. l. 5. C. de privil. fis.* Illud ob-  
servandum est, quod jure civili eandem esse sortis & usurarum condi-  
tionem, & has cum illa eodem ordine adjudicandas etiamsi postquam  
posteriori res pignori data est, accesserunt, *l. 18. ff. qui pot. l. 8. §. fin. ff.*  
*de pign. act. Kopp decis. 28. n. 11.*

XXIV:

Tandem cum norma dijudicandi & ordinandi creditorum præro-  
gativas non tam sit ex jure & legibus, quam moribus ac statutis, hinc  
evenit, ut hæc prioritatis materia, tum ex diversitate privilegiorum, tum  
ex discrepantia juriſum sit intricatissima, maximam partem dirimenda  
locorum statutis: de quibus notetur, cum certa in statutis referuntur  
privilegiata debita, non putandum est ea excludi, quæ præter illa jus  
commune prærogativâ dignatur. Unius enim inclusio non est alterius  
exclusio, nec correctio juris communis sine expresso textu subsumenda  
etiam præter & post statutorum peculiaris, jus commune sequi fas est. Hinc  
quando quædam credita ex jure communi prærogativam habentia et-  
iam statutis ut privilegiata fuerunt expressa, quædam verò omissa, quia  
illa duplici & singulari jure nituntur & indubie speciali nota & favore  
statutum ea insignire & præferre voluit, potiora etiam habentur, & hæc  
post illa demum sequuntur ad suam quæq; classem legibus determina-  
tam referenda & ordine decenti prudenter inferenda. *Vid. Mey. ad juv.*  
*Eub. l. 3. tit. 1. art. 11. n. 33. & 34.*





Ut placeas Musis non laudant otia Musæ,  
 Pythiūs aut molles jusfit habere manus,  
 Scin dimur ancipiti studia in diversa Mmervâ  
 Et genij sequitur semina quisq; sui.  
 Me juvet invicto celestia volvere Marte,  
 Et superi sensum discere jura DEI,  
 Qvalia non dubio promit QUISTORPIUS ore,  
 Ille mei semper pectoris unus amor.  
 Et latices Sophiæ castos. MAURITIUS illos  
 Sufficit, æternæ splendida Fama Rosæ.  
 Nec minus æternum TSCHERNINGI carmen & artem,  
 Maximus hic versûs debuit esse Parens.  
 Addes innocuum servatâ semen Idumes  
 Debet id AUGUSTO Varnia fama suo.  
 Hæc mihi tanta placent his impalescere vita est,  
 Uror apud tales ni licet esse Viros.  
 At Te Magnifici sinuosa volumina furis  
 Coccineæ & Themidis sancta Tiara juvat,  
 Quam caput annosis nitidum ex pietate pruinis  
 SCHUKMANNI meritâ cum gravitate gerit.  
 Te juvat æternans RHAN I cis tempora Laurus  
 Immenso vivax Juris in Oceano.  
 Nunc etiam cupido celebris SCHNOBELIUS adstat,  
 Aureolæ magnus mysta decusq; deæ.  
 Perge ita! pomposos Tibi spondet cura Triumphos  
 Et patriæ laudis semina rara Tuæ.  
 Exspectat patulis pater hæc amplexibus & Te  
 Nec spem fas fuerit fallere posse, Tibi  
 Nitimur ad culmen, scopulos qui spreverit à se  
 Illum præ reliquis parta corona manet.

*adfectum & honorû causâ*

L. M. Q. deprop.

C. Thamnitius Thorunien sis.

1690 1690







